

## “КИМЁ” КУРСИНинг ДИДАКТИК МАТЕРИАЛЛАРИ НОКИМЁВИЙ ТАЪЛИМ ЙЎНАЛИШЛАРИ МИСОЛИДА

Муаттархон Тилаволдиевна Акбарова

Тошкент вилоят Чирчиқ давлат педагогика институти ўқитувчиси

akbarova72m@mail.ru

### АННОТАЦИЯ

Ушбу мақолада нокимёвий таълим йўналишларида ўқитиладиган “Кимё” курсининг амалиётга киритилган дидактик материаллари ва маърифий-тарбиявий жамғармасини шакллантиришда кимё дидактикасининг тавсия ва хулосалари ҳакида фикр юритилган.

**Калит сўзлар:** дидактика, компонент, метод, назарий ва амалий машғулотлар, объект, предмет, фанлараро алоқадорлик, методология.

### DIDACTIC MATERIALS OF THE COURSE “CHEMISTRY” AS AN EXAMPLE OF THE DIRECTIONS OF NON CHEMICAL EDUCATION

### ABSTRACT

This article discusses the recommendations and conclusions on Chemistry in the formation of practical and didactic materials, also the basics of education in chemistry courses taught in the field of education.

**Keywords:** didactics, component, method, theoretical and practical training, object, subject, interdisciplinary communication, methodology.

### КИРИШ

Нокимёвий таълим йўналишларида ўқитиладиган “Кимё” курсининг дидактик аппаратини таҳлил қилишда жиддий эътибор унинг умунийлигига ва таълим йўналишларининг базавий маълумотлари бўлажак биология, тупроқшунослик, экология, физика, гидрология, гидрометрология, геофизика, геокимё, геология мутахассислари учун хизмат қилишига қаратилиши лозим.

Ушбу курснинг дидактик мазмунини белгилашда асосий эътибор кимё таълимининг мазмунини белгиловчи асосий тушунчалар, нокимёвий таълим йўналишлари учун яратилган бакалавриат давлат таълим стандартларининг талаблари асос қилиб олинган. Унда шу курс мазмунининг асосий компонентлари ҳамда тузилмаси белгиланган. Курс учун ўқитиш методлари

танланган, улар таснифланган, умумпедагогик ва умуммантиқиј методлардан фойдаланиб ўқитиш кўзда тутилган. Курсни ўқитишда, яъни назарий ва амалий машғулотларни ташкил этиш ва ўтказишида ҳамда мустақил таълим мазмунини белгилашла кимёвий экспериментдан ушбу таълимнинг асосий методи сифатида фойдаланиш зарурати ҳисобга олинган.

Шунингдек, ушбу курсни ўқитиш жараёнида машқ ва масалалар ечиш, тест тоншириқларидан фойдаланиш, кимёвий диктантлар ўтказиш, дидактик ўйинлар ташкил этиш кўзда тутилган.

## АДАБИЁТЛАР ТАХЛИЛИ ВА МЕТОДОЛОГИЯ

Дидактик материаллар-талабаларга таълим-тарбия беришга йўналтирилган маҳсус ўкув материаллардир. Ўкув машғулотларининг мазмунини белгилашда бўлажак мутахассисларнинг касбий тайёргарлигини кучайтиришга алоҳида эътибор қаратилган ва улар ишчи ўкув дастури ҳамда фан бўйича яратилган ўкув-услубий мажмуа мазмунида акс эттирилган.

Курснинг амалдаги намунавий ўкув дастури асосида ишчи ўкув дастурини яратишида ушбу жиҳатлар эътиборга олинган [1].

“Кадрлар тайёрлаш Миллий дастури”да таълимнинг табиий йўналиши бўлимида кўрсатиб ўтилган талабаларнинг табиат ҳақидаги дунё қарашини бойитиш, уларда мустақил фикрлаш туйғуларини қарор топтириш, олинган назарий ва амалий билимларни ҳаётга татбиқ этишини амалга оширишга қаратилганлиги билан белгиланади [2]. Кимё фани атрофимиздаги оламни, табиатни ўрганувчи фанларнинг биридир. Бутун олам, бутун борлик материядан иборат. Маълум қонун асосида ўрганиш ва ундан инсоният манфаати учун фойдаланиш фаннинг асосий вазифаси ҳисобланади. Баъзан, моддада шундай ўзгариш бўладики, бунинг оқибатида у бошқа моддага айланади ва кимёвий жараён содир бўлади.

Хозирги даврда атроф-муҳитни муҳофаза қилиш инсоният олдида турган муҳим масалалардан бири бўлиб қолди. Сув ва ҳавонинг тозалигини назорат қилиш, чиқиндисиз технология яратиш ва ҳоказо масаларни ҳал қилишда кимё фаннинг аҳамияти катта.

“Кимё” фани талабалар билимларини чуқурлаштириш натижасида талабаларни модда (атом ва молекулалар) тузилишига доир назарияларни эгаллашга, кимёнинг жуда муҳим мавзуларини ўзлаштиришга йўналтиради. Кимёнинг ривожланиш тарихи, илмий ва амалий ютуқлари, келажакда ҳал қилиниши лозим бўлган назарий ва амалий асослари билан талабаларни

таништириш ва уларда кимё фанига қизиқиш уйғотиши ҳамда ижодий куртакларни ўстириш фаннинг асосий мақсади ҳисобланади.

“Кимё” фанини илмий ва амалий жиҳатларини ўрганиш, кимё фанининг халқ хўжалигидаги роли катта аҳамиятга эга эканлигини талабаларга тушунтириш, кимё фани ҳақида умумий тушунчалар бериш ва кимё фанининг аҳамияти тўғрисида талабалар билимларини чуқурлаштириш, кимё фанининг илмий ва амалий асосларини ўргатиш кабилар асосий дидактик мақсаддир [3]. “Кимё” фани атроф-муҳитни муҳофаза қилиш ва бошқа экология соҳаларини кузатиб бориша ҳам муҳим аҳамиятга эга.

Кимё фанининг моҳияти, унинг бошқа фанлар билан боғлиқлиги, унинг аҳамияти, материя, модда, атом, молекула ва кимёвий элемент тўғрисидаги тушунчалар, атом-молекуляр таълимот, молекуляр таълимот ва кимёвий элемент ҳақида тушунча, кимё фанининг асосий қонунлари, идеал газ қонунлари, атом тузилиши, атомнинг ядро модели, атом тузилиши ҳақида классик таълимот, атом ядросининг тузилиши, ядро энергиясидан фойдаланиш, кимёвий элементларнинг хусусиятлари, Бор постулатлари, даврий қонун ва Д.И.Менделевнинг кимёвий элементлар даврий системаси, кимёвий боғланишнинг умумий тавсифи, кимёвий реакция тезлиги ва кимёвий мувозанат, эритмалар, электролитик диссоциланиш, тузлар гидролизи, оксидланиш-қайтарилиш жараёнлари, комплекс бирикмалар, айрим металл ва металмасларнинг хоссалари ва ишлатилиши, электроманфийлик, ион боғланиш, ковалент боғланиш, боғ энергияси, ковалент боғланишнинг хусусиятлари, металл боғланиш, водород боғланиш, валент боғланиш ва молекуляр орбиталлар усули, кимёвий боғнинг асосий хусусиятлари ва кимёвий боғнинг ҳосил бўлиш механизми, кимёвий боғнинг тўйинувчанлиги ва йўналувчанлиги, кимёвий боғланишларнинг асосий турлари, кимёвий кинетика ва кимёвий мувозанат, реакция тезлиги, реакция тезлигига концентрациянинг таъсири, массалар таъсири қонуни, реакция тезлигига температуранинг таъсири, кимёвий реакциянинг фаолланиш энергияси, оддий ва мураккаб реакциялар, катализ, қайтар ва қайтмас реакциялар, кимёвий мувозанат ва унинг константаси, гетероген системаларда бўладиган кимёвий мувозанатлар, кимёвий мувозанатнинг силжиши, кимёвий реакцияларнинг иссиқлик эффекти, табиий ва сунъий элементлар, табиий ва сунъий радиоактивлик, кимё фанининг ривожига ҳисса қўшган етук ўзбек олимлари илмий изланишлари ҳақидаги маълумотлар [4], кимёнинг геология, география, биология, тупроқшунослик, физика, астрономия, экология каби

мутахассислик фанлари билан алоқадорлигини таъминлаш каби масалалар нокимёй таълим йўналишиларда ўқитиладиган “Кимё” курсининг асосий дидактик жамғармаси ҳисобланади.

## МУҲОКАМА ВА НАТИЖАЛАР

Шундай қилиб, кимё дидактикаси маҳсус педагогик фан сифатида кимё таълим мини ўқитишнинг алоҳида шакли ва билим олувчиларни тарбияловчи омил тарзида ўрганади. Кимё дидактикаси олий кимё таълими билан боғлиқ кўпгина ва муҳим методологик ва назарий-методик муаммоларнинг ечимини топишга хизмат қиласди. Кимё дидактикаси ўзининг илмий аппаратига, яъни ўз обьекти, предмети, моҳияти, хусусиятлари, мақсади, вазифалари, фанлараро алоқадорлигига эга бўлгани ҳолда замонавий кимё таълим мининг методологиясини ўрнатади ҳамда кимё таълим мининг мақсад ва вазифаларини белгилагани ҳолда у кимё таълим мининг қонуниятларини ўрганади. Нокимёй таълим йўналишларида ўқитиладиган “Кимё” курсининг амалиётга киритилган дидактик материаллари ва маърифий-тарбиявий жамғармасини шакллантиришда кимё дидактикасининг тавсия ва хуносаларидан фойдаланилган.

## ХУЛОСА ВА ТАКЛИФЛАР

Кимё, бўлажак биология, тупроқшунослик, экология, физика, гидрология, гидрометрология, геофизика, геокимё, геология мутахассислари ўқув предметларининг дидактик ҳамкорлиги эвазига талабаларнинг ушбу фанлар бўйича билимлари мустаҳкамланади ҳамда уларнинг атроф муҳитга, моддий ва маънавий қадриятларга бўлган муносабатлари ижобий томонга ўзгаради. Ер ва ундаги ҳаётий жараёнларни кимёвий билимлар иштирокисиз идрок қилиб ва англаб бўлмайди. Гарчи, кимёвий маълумотларсиз биология, тупроқшунослик, экология, физика, гидрология, гидрометрология, геофизика, геокимё, геология каби фанларни, нефть ва газ ҳамда бошқа табиий ресурслар ҳақидаги маълумотларни замон талаби даражасида тушунтириб бўлмайди. Шу боисдан ҳам «Кимё» курсини тўлақонли тарзда ўқитиш – давр талабидир.

“Кимё” курсининг дидактик материалларини ўзига хос жиҳати шундан иборатки, бу фаннинг интегратив характери кучли ифодаланган ва ундан фанлараро алоқадорликни ташкил этиш учун юксак самара билан фойдаланилган.

## REFERENCES

1. Ўзбекистон Республикасининг “Кадрлар тайёрлаш миллий дастури”. – Тошкент: Ўзбекистон, 1997. – 68 б.
2. Олий таълим. Меъёрий-хуқуқий ва буюрувчи хужжатлар тўплами. –Т.1-2. – Тошкент, 2002.
3. Пак М.С. Дидактика химии. –Москва:Владос, 2004.
4. Н.А.Парпиев, Ҳ.Р.Рахимов, А.Г.Муфтахов, Анорганик кимёнинг назарий асослари, Тошкент, 2000.